

Бўлган воқеа: Дорихонадаги амал



11:00 / 17.04.2021 2934

Ушбу воқеа Ливиянинг Аждабия шаҳрида туғилган исми Фараж Арибийнинг бу дунёда қилиб ўтган, ҳаммамиз учун ибратли иши ҳақида баён қилинади:

«Кампир ҳар ой бир марта дорихонага келар ва керакли дорисини олиб кассирга, кулиб турган, мулойим ва одобли бу йигитга юзланарди.

Кампир ҳар сафар бу йигитни кўрганда қалби севинчга тўлар ва унга доимгидек йигирма динорни узатарди. Сўнг дорини олиб, уйига равона бўларди. Бу ҳолат бир неча йиллар давом этди.

Кейинги ой йигит ғаддор жинойтчилар қўлида ҳалок бўлди.

Бир кун кампир яна дорихонага келди. Дорисини олиб касса сари юзланди.

Лекин йигит кўринмади. У ҳақда сўрамоқчи бўлиб турганди, кассадаги янги сотувчи: «Нима бу, ҳожи она?» дея овозини кўтарди.

Кампир: «Дорининг пули - йигирма динор, болам», деди.

Кассир: «Бунинг нархи 200 динор, она», деди.

Кампир таажжубланиб деди: «Қизик, уч йилдан ошдики, бу дорини йигирма динордан сотиб оламан. Олдинги кассир қани?»

«Аллоҳ раҳматига олсин, вафот қилди, ҳожи она», дея жавоб қилди йигит ва касса дафтарини варақлашга тушди. Маълум бўлишича, марҳум йигит ҳар ой кампирнинг дориси учун ойлик маошидан 180 динор ажратиб келган.

Воқеадан хабар топган дорихона эгаси у йигит руҳи покига садақаи жория бўлиб туриши учун, кампирнинг дорисини аввалгидек 180 динор арзон, яъни 20 динорга сотишда давом этишга қарор қилди.

Аллоҳ, мен Сендан яхшиликлар қилишни, ёмонликлардан узоқ бўлишни, муҳтожларни яхши кўришни ва Ўзинг севганинг, рози бўлганингга муваффақ айлашингни сўрайман.

Аллоҳ, Фаражни шаҳидлар қаторида қабул қилгин!

Изоҳ: 1 АҚШ доллари 1,37 Ливия динорига тенг.

Фотин Маҳмуд

Мубашшир Аҳмад домланинг телеграм каналидан.